



## Fylkesmannen i Hordaland

Sakshandsamar, innvalstelefon  
Mona Fauskanger, 5557 2203

Vår dato  
08.04.2016  
Dykkar dato  
18.01.2016

Vår referanse  
2015/15200 730  
Dykkar referanse

Meland kommune  
Postboks 79  
5906 FREKHAUG

### Melding om tilskot i 2016 – kapittel 765 post 60 - Tilbod til vaksne med langvarige og samansette behov for tenester og barn og unge med samansette hjelpebehov

Fylkesmannen viser til søknad av 18.01.2016 om tilskot til kommunalt rusarbeid og brevet vårt av 04.04.2016 der vi informerte om at søknaden om eit nytt årsverk for å styrke arbeidet med oppfølging i eigen bustad ville bli vurdert under denne tilskotsordninga.

Fylkesmannen gir med dette eit tilskot på kr. 550 000 over kapittel 765.60 på statsbudsjettet for 2016.

Fylkesmannen i Hordaland mottok til saman 36 søknader om tilskot. Den samla søknadssummen er kr. 62 245 312 Vi sendte innstilling til Helsedirektoratet 15. februar 2016. Frå Helsedirektoratet har vi fått kr. 33 000 000 til fordeling.

I tildelinga vår har vi mellom anna lagt vekt på vidareføring av eksisterande prosjekt/tiltak, prioriteringar og regelverk for ordninga, lokale behov og andre tilskotsordningar som Fylkesmannen forvaltar.

Avgjerda om tildeling til Meland kommune er ikkje eit enkeltvedtak. Det er ikkje høve til å klage på vedtaket eller vilkåra for tildeling.

Tilskotet skal bidra til å byggje kapasitet og å styrkje tilbodet til brukarar med store tenestebehov gjennom å utvikle meir heilskapelege og samtidige tenester frå ulike sektorar og nivå. Tilskot blir gitt for eitt år om gongen. Vi kjenner ikkje til kor mykje mildar vi får til fordeling over denne tilskotordninga i 2017, men gjer merksam på at tildeling til enkelte tiltak kan då bli redusert, eventuelt avslått.

#### Krav til stadfesting

Tilskotet blir først utbetalt når Fylkesmannen har fått tilbake utfylt stadfesting, sjå vedlegg. Fyll ut og send vedlagte stadfesting til [fmhpostmottak@fylkesmannen.no](mailto:fmhpostmottak@fylkesmannen.no) snarast.

#### Bruk av midlane i 2016

Tilskotet skal disponerast til årsverk og kan ikkje nyttast til andre utgifter eller investeringar.

Midlane kan som hovudregel ikkje omdisponerast til andre formål. Dersom midlane ikkje blir brukte etter føresetnadene, skal dei betalast attende til Fylkesmannen, sjå vedlagte tilskotsreglement.

Innan 30.11.16 skal kommunen rapportere til Fylkesmannen i Hordaland om midlar som ikkje blir brukte inneverande år.

### **Ubrukte midlar**

Tilskotet skal brukast dette budsjett- og kalenderåret. Dersom tilskotet ikkje blir brukt fullt ut, kan kommunen:

- Betale midlane tilbake til Fylkesmannen, kontonummer **7694 05 01098**, merkt med kapittel 765, post 60 og vårt saksnummer. Fylkesmannen skal informerast om dette på førehand.
- Søke Fylkesmannen om overføring av ubrukne midlar i 2016 til 2017. Føresetnaden for slik godkjenning, er at prosjektet eller aktiviteten blir vidareført. Vi gjer merksam på at midlar som ikkje er nytta i 2016, blir trekte frå neste års tildeling av tilskot.

### **Krav til rapportering**

Kommunen skal innan 31.3.2017 sende årsrapport/sluttrapport og rekneskapsrapport per 31.12.2016 for tiltak som det er gitt tilskot til Fylkesmannen.

Rapporteringa skal vere i samsvar med regelverket for tilskotet. Vi gjer særskilt merksam på at det er:

- spesifikke krav til rapportering på måloppnåing, sjå regelverket for tilskotsordninga punkt 11 og punkt 3.
- spesifikke krav til rekneskapsrapportering med attestasjonar, sjå regelverket for tilskotsordninga punkt 11.

Det skal førast separat rekneskap for tilskotet, skilt frå resten av rekneskapan for prosjektet, for eksempel med ein prosjektkode. Rekneskapan skal vise kva utgifter som er dekte av tilskotet. Rekneskap for tilskot på kr. 100 000 eller meir må vere revisorattestert.

Revisor skal få kopi av dette brevet ved revisjon eller avtalte kontrollhandlingar knytte til dette tilskotet. Rekneskapet skal vere revidert i samsvar med Den norske revisorforenings standard [ISA 805 "Særlige hensyn ved revisjon av enkeltstående rekneskapsoppstillingar og spesifikke elementer, kontoer eller poster i en rekneskapsoppstilling"](#). Revisorstadfesting av rekneskap skal sendast Fylkesmannen innan 31.3.2017.

Rapportar/resultat frå eventuelle offentlege kontrollar eller tilsyn skal fortløpande sendast til Fylkesmannen.

### **Kontroll og dokumentasjon**

Rekneskapsdata og dokumentasjon av opplysingar som ligg til grunn for søknaden, skal oppbevarast for eventuell kontroll i minimum fem år frå det tidspunktet kommunen fekk meldinga om tilskot.

Fylkesmannen har rett til å kontrollere at tilskotet blir brukt etter føresetnadane, jamfør § 10 andre ledd i Bevilgningsreglementet. Vi gjer merksam på at Riksrevisjonen har høve til å kontrollere om tilskot blir brukt etter føresetnadane, jamfør lov om Riksrevisjonen § 12 andre ledd.

Ver venleg å skrive vårt saksnummer 2015/15200 på all brevveksling.

Med helsing

Rune Fjeld  
ass. fylkesmann

Mona Fauskanger  
førstekonsulent

*Brevet er godkjent elektronisk og har derfor inga underskrift.*

Vedlegg:

1. Stadfesting
2. Regelverk for tilskot til tilbod til vaksne med langvarige og samansette behov for tenester og barn og unge med samansette hjelpebehov

Kopi til:

Meland kommune v/Tord Moltumyr Postboks 79 5906 Frekhaug